



21448

III

Mag. St. Dr.

P


Julius Ign.

Oratio Martini Plausus gratulatorius vir
Audi et honori.

PANEG. et VITAE

Polon. Fol.

№ 694.



PLAUSUS
GRATVLATORIVS.

Virtuti & Honori,

ADMODUM REVERENDI DOMINI,

D. PAULI IGNATII
ŁUSCZEWSKI,

CANONICI Regularis Lateranensis Ordinis Sancti
AUGUSTINI, Conuentus Califfiensis Professi:

D. V. M.

In Alma Vniuersitate Cracouiensi,

SUB FELICISSIMIS AUSPICIIS,

Perillustri, Magnifici, & Admodum Reuerendi Domini,

D. M. FRANCISCI
PRZEWOSKI,

Sac: Th: Doctoris, & Professoris, Collegæ Maioris,
Ecclesiarum Collegiatarum, S. ANNÆ Crac: DECANI, Ku-
rzelowiensis Scholastici, Contubernij Hierosolymitani Pro-
uisoris, Almæ Vniuersitatis Academix Cracouiensis,

Generalis & Vigilantissimi RECTORIS;

A

Perillustri, & Admodum Reuerendo Domino,

D. M. MARTINO
WINKLER,

Sac: Th: Doctore, & Professore, Collega Maiore, Ecclesiarum
Collegiatarum, Sandomirien: Præposito, S. Floriani ad Cracouiam Decano,
Kielceń: Scholastico, Contubernij Gelaniani Prouisore:

Sacrâ Doctoratus Theologici Laureâ

INSIGNIRETVR:

A

M. MARTINO OSLINSKI, Phil: Doct: & Profess: Collega Minore,
Votiuo concentu

EXCITATVS.

Anno Salutis M. DC. LXXXV. Die 19. Nouembris.

CRACOVIAE, TYPIS VNIVERSITATIS.



21.448 III

995
PLAUSUS
GRATVLATORIVS.

Descende celso vertice protinus,
Assueta neruis, Musa, loquacibus;
Modosq; quantumuis remissos,
Attenua meliore plectro:
Descende; pulcher laudis honor vocat;
Quem clara Virtus non studio leui
Parauit, inter perpolitas
Ingenij pretiosioris
Artes. Vocaris rursus ad auream
Chelyn; sonoro pectine peruola
Fides canoras, & venusto
Fila lyrae numero reuolue.
Te, Te, nouis iam, DOCTOR, honoribus
Ornate, praestò Musa canit mea:
Sic Te coronatum remotis
Auribus icta chelys loquetur.
Quàm pulchra doctis meta laboribus,
Honor togatus. sed magè pulchrior,
Praire Virtus pertinacem
Cui voluit studio laborem.
Hæc cura mentem sollicitè Tuam
Fouisse fertur; primaq; candidæ
Stillâsse virtutis saporem,
Herculeos imitando gestus:
Primas vt inter, tam pia, fascias
Versasse credam, Te meditamina;
Immanis vt posses Hydræ tum
Colla super numerare palmas:
Vicisse magnos quis neget impetus?
Te clare DOCTOR; dum niueum Tuæ
Florem iuuentæ tradidisses
AVRELII Patris institutò;
Cui Lateranum dignius indidit
Nomenq; , cultumq; : hîc vbi Sarmata
CALISSIENSIVM reponit
Mœnia, ponè fluenta Prosnæ.

796

His tam secundis sub penetralibus,
 Ad eminentes crescere laureas
 Virtus amavit, per omnes
 Vecta gradus rigidi laboris.
 Quod Stoa durum continet, indoles
 Amica Musis pertulit; inclyta
 Stagyra præclarum quod ambit;
 Par animo, studioq; felix
 Cum laude pressit: difficilis neq;
 Euripus obstat; quin placido sinu
 Reposita cursum terminaret:
 Congeminans Io ter triumphæ.
 Sed sanctioris gloria pectori
 Hæsit Magistræ, celsior in sacris
 Quæ fulget exedris; & instat
 Hanc studio grauiore promi,
 Perfecta donec cerneret omnia,
 Matura palmæ, dignaq; Laureâ
 Apollinari: literato
 Quam petijſſe viro decorum.
 Nec inter vmbraſ, dedita gloriæ,
 Hæreſ, Virtus ſuſtinuit diu:
 It prompta, ſi Alpes vel niuales,
 Vel Rhodopum ſuperanda cautes.
 Tendit, nitentes diues Amor faces
 Quò monſtrat, vt ſic Matris honoribus
 Gaudere poſſit: quò Paternum
 Eximium decus anteiuit.
 Fortes creari fortibus; & bonis
 Intaminatos; quàm benè diſcimus,
 Exempla dum clari ſecutum
 Conſpicimus memores Parentis.
 Hic ille quondam cingere tempora
 Lauri Sophorum cenſuit inclytum;
 Non inſecundo auſu; futurus
 Delicium Themidos Polonæ.
 Aſtræa ſenſit vim Petricouiæ
 Eius loquentem; ſenſit & optimus
 Effata Iudex: quiſq; fidum
 Poſt genitis memorare amabit.

Nutrita proles vberē candido,
 Cui Paternum splendet ebur genis,
 Quasiuit augem, par honori
 Theologo; sociatq; flammās,
 Insignis olim quas DAMALEVIVS
 Sensit pudica mente, Academicas.
 Amans coronas. Hic Tuarum
 Nonné iacit monumenta laudum?
 Appone pulchris hanc quoq; Laureis;
 Victoris omen cū Tibi dicimus,
 Victoriōso sub colendi
 Præsidis auspicio, create
 DOCTOR. ter amplas dixero iam Tuas
 Laurus & actus; gloria sanguinis
 WERESCZIANI quos adauget
 Omīne: quid potius requiras?
 Hunc digna Virtus; hunc pietas regit,
 Hunc zelus ambit, religio quoque
 Præfert; & ornat docta Pallas:
 Integritas, probitasq; stipat:
 Et quod venustum pectus amabile
 Tenere possit; continet integrum:
 Illaq; laude fulget, vt sit
 Gemma, decus, columenq; vestrum.
 Herōā magni mens NIESOLOVII;
 Calissiensis Præpositi; Tuo
 Honore læta: quisq; ritē
 Vota facit bene-suasus vltro.
 Sic Te labores inter amabiles,
 Virtus beatīs destināt insulis
 Honoris, inq; altum cacumen
 Sternit iter potiore cultu.
 Certusq; famæ es; dum Sapientiæ
 Consultus, alti niteris ingeni
 Pennis; & altum Dedalæis
 Certior auspicijs inerras.
 Lætāmur Io! milleq; plausibus
 Exuberantis lætitiæ Tibi
 Fauemus, vt felix perennes;
 Atq; Tuos Neo-Doctor ornes.



Biblioteka Jagiellońska



stdr0016762

